

九章算經

九章算經卷第四

魏劉徽注

唐劉徽注  
李淳風等奉勅注釋

少廣

以御積  
羈方圓

少廣

臣淳風等謹按一畝之田廣一步長二百四十步今欲截取其從少以益

其廣故  
曰少廣

術曰置全步及分母子以最下分母徧乘

諸分子及全步

臣淳風等謹按以分母乘全者通其分也以母乘子

者齊其  
子也

各以其母除其子置之於左命通

分者又以分母徧乘諸分子及已通者皆

通而同之并之為法臣淳風等謹按諸子悉通故可并之為法

亦宜用合分術列數尤多若用乘則算數至繁故別制此術從省約置所求步數

以全步積分置所求步數以全步積分乘

之為實此以田廣為法置有分者當同其

母齊其子以同乘法實而并齊於法今以

分母乘全步及子子如母而一竝以并全法則法實

俱長意亦等也故如實如法而一得從步

今有田廣一步半求田一畝問從幾何

荅曰一百六十步

術曰下有半是二分之一以一爲二半爲一并之得三爲法置田二百四十步亦以一爲二乘之爲實實如法得從步

今有田廣一步半三分步之一求田一畝問從幾何

荅曰一百三十步一十一分步之一  
十

術曰下有三分以一爲六半爲三三分之

一爲二并之得一十一以爲法置田二百四十步亦以一爲六乘之爲實實如法得從步

今有田廣一步半三分步之一四分步之一求田一畝問從幾何

荅曰一百一十五步五分步之一

術曰下有四分以一爲一十二半爲六三  
分之一爲四四分之三爲三并之得二十  
五以爲法置田二百四十步亦以一爲一

十二乘之爲實實如法而一得從步

今有田廣一步半三分步之一四分步之一五分步之一求田一畝間從幾何

荅曰一百五步一百三十七分步之

一十五

術曰下有五分以一爲六十半爲三十三分之一爲二十四分之一爲一十五五分之一爲一十二并之得一百三十七以爲法置田二百四十步亦以一爲六十乘之

爲實實如法得從步

今有田廣一步半三分步之一四分步之一五分步之一六分步之一求田一畝問從幾何

答曰九十七步四十九分步之四十

七

術曰下有六分以一爲一百二十半爲六十三分之一爲四十四分之一爲三十五分之一爲二十四六分之一爲二十并之得二百九十四以爲法置田二百四十步

亦以一爲一百二十乘之爲實實如法得從步

今有田廣一步半三分步之一四分步之一五分步之一六分步之一七分步之一求田一畝問從幾何

荅曰九十二步一百二十一分步之六十八

術曰下有七分以一爲四百二十半爲二百一十三分之一爲一百四十四分之一



爲一百五五分之一爲八十四六分之一  
爲七十七分之一爲六十并之得一千八  
十九以爲法置田二百四十步亦以一爲  
四百二十乘之爲實實如法得從步

今有田廣一步半三分步之一四分步之一五  
分步之一六分步之一七分步之一八分步之  
一求田一畝問從幾何

答曰八十八步七百六十一分步之  
二百三十二

術曰下有八分以一爲八百四十半爲四百二十三分之一爲二百八十四分之一爲二百一十五分之一爲一百六十八六分之一爲一百四十七分之一爲一百二十八分之一爲一百五并之得二千二百八十三以爲法置田二百四十步亦以一爲八百四十乘之爲實實如法得從步

今有田廣一步半三分步之一四分步之一五分步之一六分步之一七分步之一八分步之

九章算經卷四  
一  
一  
九分步之一求田一畝問從幾何

答曰八十四步七千一百二十九分步之五千九百六十四

術曰下有九分以一爲二千五百二十半爲一千二百六十三分之一爲八百四十分分之一爲六百三十五分之一爲五百四六分之一爲四百二十七分之一爲三百六十八分之一爲三百一十五九分之一爲二百八十并之得七千一百二十九

以爲法置田二百四十步亦以一爲二千  
五百二十乘之爲實實如法得從步

今有田廣一步半三分步之一四分步之一五  
分步之一六分步之一七分步之一八分步之  
一九分步之一十分步之一求田一畝問從幾  
何

答曰八十一步七千三百八十一分  
步之六千九百三十九

術曰下有一十分以一爲二千五百二十

半爲一千二百六十三分之一爲八百四十四分之一爲六百三十五分之一爲五百四六分之一爲四百二十七分之一爲三百六十八分之一爲三百一十五九分之一爲二百八十分之一爲二百五十二并之得七千三百八十一以爲法置田二百四十步亦以一爲二千五百二十乘之爲實實如法得從步

今有田廣一步半三分步之一四分步之一五

分步之一六分步之一七分步之一八分步之一  
九分步之一十分步之一十一分步之一求  
田一畝問從幾何

荅曰七十九步八萬三千七百一十  
一分步之三萬九千六百三十一

術曰下有一十一分以一爲二萬七千七  
百二十半爲一萬三千八百六十三分之  
一爲九千二百四十四分之一爲六千九  
百三十五分之一爲五千五百四十四六

分之一爲四千六百二十七分之一爲三千九百六十八分之一爲三千四百六十五九分之一爲三千八十一十分之一爲二千七百七十二十一分之一爲二千五百二十并之得八萬三千七百一十一以爲法置田二百四十步亦以一爲二萬七千七百二十乘之爲實實如法得從步今有田廣一步半三分步之一四分步之一五分步之一六分步之一七分步之一八分步之

一九分步之一十分步之一十一分步之一十二分步之一求田一畝問從幾何

荅曰七十七步八萬六千二十一分步之二萬九千一百八十三

術曰下有一十二分以一爲八萬三千一百六十半爲四萬一千五百八十三分之一爲二萬七千七百二十四分之一爲二萬七百九十五分之一爲一萬六千六百三十二六分之一爲一萬三千八百六十



七分之一爲一萬一千八百八十八分之  
一爲一萬三百九十五九分之一爲九千  
二百四十一十分之一爲八千三百一十  
六十一分之一爲七千五百六十二分  
之一爲六千九百三十并之得二十五萬  
八千六十三以爲法置田二百四十步亦  
以一爲八萬三千一百六十乘之爲實實

如法得從步

臣淳風等謹按凡爲術之意約省爲善宜云下有一十二

分以一爲二萬七千七百二十半爲一萬  
三千八百六十三分之一爲九千二百四

十四分之一爲六千九百三十五分之一  
爲五千五百四十四六分之一爲四千六  
百二十七分之一爲三千九百六十八分  
之一爲三千四百六十五九分之一爲三  
千八十分之一爲二千七百七十二分  
之一爲二千三百一十并之得八萬六千二  
一以爲法置田二百四十步亦以一爲二  
萬七千七百二十乘之以爲實實  
如法得從步其術亦得知不繁也

今有積五萬五千二百二十五步問爲方幾何

答曰二百三十五步

又有積二萬五千二百八十一步問爲方幾何

荅曰一百五十九步

又有積七萬一千八百二十四步問爲方幾何

荅曰二百六十八步

又有積五十六萬四千七百五十二步四分步之一問爲方幾何

荅曰七百五十一步半

又有積三十九億七千二百一十五萬六百二十五步問爲方幾何

荅曰六萬三千二十五步

開方

求方纂之一面也

術曰置積爲實借一筭步之超一等

言百之面

十也言萬議所得以一乘所借一筭爲法

而以除

先得黃甲之面上下相命是自乘而除也

除已倍法爲

定法

倍之者豫張兩面朱羈定

其復除折

法而下

欲除朱羈者本當副置所得成方倍之爲定法以折議乘而以除如

是當復步之而止乃得相命故使就上折下

復置借筭步之如

初以復議一乘之

欲除朱羈之角黃乙之羈其意如初之所得也

所得副以加定法以除以所得副從定法

再以黃乙之面加定法復除折下如前若

開之不盡者為不可開當以面命之

有術或以

借筭加定法而命分者雖粗相近不可用也凡開積為方方之自乘當還復其積分令不加借筭而命分則常微少其加借筭而命分則又微多其數不可得而定故惟以面命之為不失耳譬猶以三除以十以其餘為三分之一而復其數可舉不以面命之加定法如前求其微數微數無名者以為分子其一退以十為母其再退以百為母退之彌下其分彌細則朱幕雖有所乘之數不足言之也

若實有分

者通分內子為定實乃開之訖開其母報

除

臣淳風等謹按分母可開者竝通之積先合二母既開之後一母尚存故開分

母求一母為法以報除也

若母不可開者又以母再乘

定實乃開之訖令如母而一

臣淳風等謹

開者本一母也又以母乘之乃合二母既  
開之後亦一母存焉故令一母而一得全  
面也又按此術開方者求方幕之面也借  
一算者假借一算空有列位之名而無除  
積之實方隅得面是故借算列之於下步  
之超一等者方十自乘其積有百方百自  
乘其積有萬故超位至百而言十至萬而  
言百議所得以一乘所借算為法而以除  
者先得黃甲之面以方為積者兩相乘故  
開方除之還令兩面上下相命是自乘而  
除之除已倍法為定法者實積未盡當復  
更除故豫張兩面朱幕表以待復除故曰  
定法其復除折法而下者欲除朱幕本當  
副置所得成方倍之為定法以折議乘之  
而以除如初是當復步之而止乃得相命  
故使就上折之而下復置借算步之如初

以復議一乘之所得副以加定法以定法  
除者欲除朱幕之角黃乙之幕以所得副  
從定法者再以黃乙之幕加定法是則  
張兩青幕之表故如前開之即合所問

今有積一千五百一十八步四分步之三問為

圓周幾何

答曰一百三十五步

於徽術當周一百三十八步

十分步之一臣淳風等謹按此依密率為周一百三十八步五十分步

之九

又有積三百步問為圓周幾何

答曰六十步

於徽術當周六十一步五十分步之十九臣

淳風等謹依密率為周六十一步一百分步之四十一

# 開圓

術曰置積步數以十二乘之以開方除之

即得周

此術以周三徑一為率與舊圓田術相返覆也於徽術以三百一十

四乘積如二十五而一所得開方除之即周也開方除之即徑是為據見纂以求周

猶失之於徽少其以二百乘積一百五十

七而一開方除之即徑猶失之於徽多

臣淳風等謹按此注於徽術求周之法其

中不用開方除之即徑六字今本有者衍

積也依密率八十八乘之七而一按周三

徑一之率假令周六徑二半周半徑相乘

得纂三周六自乘得三十六俱以等數除

纂得一周之數十二也其積本周自乘合



以一乘之十二而一得積三也術爲一乘  
不長故以十二而一得此積今還元置此  
積三以十二乘之者復其本周自乘之數  
凡物自乘開方除之復其本數故開方除  
之即周

今有積一百八十六萬八百六十七尺

此尺謂  
立方之

尺也凡物有高深  
而言積者曰立方問爲立方幾何

荅曰一百二十三尺

又有積一千九百五十三尺八分尺之一問爲

立方幾何

荅曰一十二尺半

又有積六萬三千四百一尺五百一十二分尺  
之四百四十七問爲立方幾何

荅曰三十九尺八分尺之七

又有積一百九十三萬七千五百四十一尺二  
十七分尺之一十七問爲立方幾何

荅曰一百二十四尺太半尺

開立方

立方適等求  
其一面也

術曰置積爲實借一筭步之超二等

言千  
之面

十言百萬  
之面百

議所得以再乘所借一筭爲法

而除之

再乘者亦求為方幕以上議命而除之則立方等也

除已三

之為定法

以為當復除故豫張三面為定方幕為定法也

復除折

而下

復除者三面方幕以皆自乘之數須得折議定其厚薄爾開平幕者方百

之面十開立幕者方千之面十據定法已有成方之幕故復除當以千為百折下一

也以三乘所得數置中行

設三廉行之定長復借一

筭置下行

欲以為隅方立方等未有定數且置一筭定其位

步之

中超一下超二位

上方方法長自乘而一折中廉法但有長故降一

等下隅法無面長故又降一等也

復置議以一乘中

為三廉備

也再乘下

今隅自乘為方幕也

皆副以加定法以定

除三面三廉一隅皆已有羃以上除已倍議命之而除去三表之厚也

下并中從定法者凡再以中三以下加定法

連於三廉之端以待復除也言不復除折盡意解此要當以羃乃得明耳

下如前開之不盡者亦為不可開術亦有以定法

命分者不如故羃開方以微數為分也若積有分者通分內

子為定實定實乃開之訖開其母以報除

臣淳風等按分母可開者並通之積先合三母既開之後一母尚存故開分母求一

母為法以報除也若母不可開者又以母再乘定

實乃開之訖令如母而一臣淳風等謹按分母不可開者

本一母也又以母再乘之令合三母既開  
之後一母猶存故今一母而一得全面也  
按開立方知立方適等求其一面之數借  
一算步之超二位者但立方求積方再自  
乘就積開之故超二位言千之面十言百  
萬之面百議所以再乘所借算爲法而以  
除知求爲方幕以議命之而除則立方等  
也除已三之爲定法爲積未盡當復更除  
故豫張三面已定方幕爲定法復折除而  
下知三面方幕皆已有自乘之數須得折  
議定其厚薄據開平方百之面十其開立  
方即千之面十而定法已有成方之幕故  
復除之者當以千爲百折下一等以三乘  
所得數置中行者設三廉之定長復借一  
算置下行者欲以爲隅方立方等未有數  
且置一算定其位也步之中超一下超二  
者上方法長自乘而一折中廉法但有長  
故降一方等下隅法無面長故又降一等復

置議以一乘中者為三廉借累再乘下當  
 令隅自乘為方累皆副以加定法以定法  
 除者三面三廉一隅皆已有累以上議命  
 之而除去三袤之厚除已倍下併中從定  
 法者三廉各當以兩面之累連於兩方之  
 面一隅連於三廉之端以待復除其開之  
 不盡者折下如前開方即合所問有分者  
 通分內子開之訖開其母以報除可開者  
 以通之積先合三母既開之後一母尚存  
 故開分母者求一母為法以報除若母不  
 可開者又以母再乘定實乃開之訖令如  
 母而一分母不可開者本一母又以母再  
 乘今合三母既開之後亦一母  
 尚存故令如母而一得全面也

今有積四千五百尺之尺也  
 方問為立圓徑幾

何

答曰二十尺

依密率立圓徑二十尺計積四千一百九十尺

二十一十分尺之一

又有積一萬六千四百四十八億六千六百四

十三萬七千五百尺問為立圓徑幾何

答曰一萬四千三百尺

依密率為徑一萬四千六

百四十三尺四分尺之三

### 開立圓

術曰置積尺數以十六乘之九而一所得

開立方除之即九徑

立圓即九也為術者蓋依周三徑一之率

今圓冪居方冪四分之三圓困居立方亦  
四分之三更令圓困爲方率十二爲九率  
九九居圓困又四分之三也置四分自乘  
得十六三分自乘得九故九居立方十六  
分之九也故以十六乘積九而一得立方  
之積九徑與立方等故開立方而除得徑  
也然此意非也何以驗之取立方二寸規之爲  
皆令立方一寸積之爲立方二寸規之爲  
圓困徑二寸高二寸又復橫因之則其形  
有似牟合方蓋矣八基皆似陽馬圓然也  
按合蓋者方率也九居其中即圓率也推  
此言之謂夫圓困爲方率豈不闕哉以周  
三徑一爲圓率則圓冪傷少今圓困爲方  
率則九積傷多互相通補是以九與十六  
之率偶與實相近而九猶傷多耳觀立方  
之內合蓋之外雖衰殺有漸而多少不掩  
判合總結方圓相纏濃纖詭互不可等正  
欲陋形措意懼失正理敢不闕疑以俟能



言者黃金方寸重十六兩金九徑寸重  
九兩率生於此未曾驗也周官考工記  
氏為量改煎金錫則不耗不耗然後權  
權之然後準之準之然後量之言鍊金使  
極精而後分之則可以為率也今九徑自  
乘三而一開方除之即為九中之立方也假  
令九中立方五尺五尺為句自乘羃二  
十五尺倍之得五十五尺以為股羃謂平  
方五尺之弦也以此弦羃為股亦以五尺  
為句并句股羃得七十五尺是為大弦羃  
開方除之則大弦徑可知也大方自乘之  
之長邪邪即九徑也故中立方自乘之羃  
於九徑自乘之羃三分之一也今大弦還  
乘其羃即九外立方之積也大弦羃開之  
不盡令困羃七十五再自乘之為面命得  
外立方積四十二萬一千八百七十五尺  
之面又令中立方五尺一百自乘又以方乘之  
得積一百二十五尺一百二十五尺自乘

爲面句得積一萬五千六百二十五尺之  
面皆以六百二十五約之外立方積六百  
七十五尺之面中立方積二十五尺之面  
也張衡筭又謂立方爲質立圓爲渾衡  
言質之與中外之渾六百七十五尺之面  
開方除之不足一謂外質積二十六尺之內  
渾二十五之面謂積五尺也今微令質言  
中渾渾又言質則二質相與之率猶衡二  
渾相與之率也衡又言質亦先二質之率推以  
言渾之率也衡又言質六十四之面渾二  
十五之面質復言渾謂居質八分之五也  
又云方八之面圓渾渾相推知其復以圓  
困爲方率渾爲圓率也失之遠矣衡說之  
自然欲協其陰陽奇耦之說而不顧疎密  
矣雖有文辭斯亂道破義病也置外質積  
二十六以九乘之十六而一得積十四尺  
八分之五即質中之渾也以分母乘全內  
子得一百一十七又置內質積五以分母

乘之得四十是爲質居渾一百一十七分  
之四十而渾率猶爲傷多也假令方二尺  
方四面并得八尺也謂之方周其中令圓  
徑與方等亦二尺也九半徑以乘圓周之  
半即圓幕也半方以乘方周之半即方幕  
也然則方周知方幕之率也圓周知圓幕  
之率也按如衡術方周率八之面圓周率  
五之面也令方周六十四尺之面即圓周  
四之面是爲圓周又令徑二尺自乘得徑四  
尺之面是爲圓周率十二之面而徑率一  
之面也衡亦以周三徑一之率爲非是故  
更著此法然增周太多過其實矣臣淳  
風等謹按祖暅之謂劉徽張衡二人皆以  
圓困爲方率九爲圓率乃設新法祖暅之  
開立圓術曰以二乘積開立方除之即立  
圓徑其意何也取立方幕一枚令立樞於  
左後之下隅從規去其右之上廉又合而  
橫規之去其前上之廉於是立方之幕分

而爲四規內棊一謂之內棊規外棊三謂  
之外棊規更合四棊復橫斷之以句股言  
之今餘高爲句內棊斷上方爲股本方之  
數其弦也句股之法以句羃減弦羃則餘  
爲股羃若令餘高自乘減本方之羃餘即  
內減棊斷上方之羃也本方之羃即外四  
棊之斷上羃然則餘高自乘即外三棊之  
斷上羃矣不問高卑勢皆然也然固有所  
歸同而塗殊者爾而乃控遠以演類借况  
以折微按陽馬方高數參等者列而立之  
橫截去上則高自乘與斷上羃數亦等焉  
夫疊棊成立積緣羃勢既同則積不容異  
由此觀之規之外三棊旁蹙爲一即一陽  
馬也三分立方則陽馬居一內棊居二可  
知矣合八小方成一大方合八內棊成一  
合蓋內棊居小方三分之二則合蓋居立  
方亦三分之二較然驗矣置三分之二以  
圓羃率三乘之如方羃率四而一約而定

之以爲九率故曰九吾立方三分之一也  
等數既密心亦昭晰張衡放舊胎晒於後  
劉徽循故未暇校新夫豈難哉抑未之思  
也依密率立此圓積本以圓徑再自乘十  
一乘之二十一而一約此積今欲求其本  
積故以二十一乘之十一而一凡物再自  
乘開立方除之復其本數  
故立方除之即九徑也

# 九章算經卷第四

九章算經卷第五

魏劉徽注

唐朝議大夫行太史令上輕車都尉臣李淳風等奉勅注釋

商功

以御功程積實

今有穿地積一萬尺問爲堅壤各幾何

荅曰

爲堅七千五百尺

爲壤一萬二千五百尺

術曰穿地四爲壤五

壤謂息土

爲堅三

堅爲築土

爲

墟四

墟謂穿坑此皆其常率

以穿地求壤五之求堅

三之皆四而一

今有術也

以壤求穿四之求堅

三之皆五而一以堅求穿四之求壤五之

皆三而一

臣淳風等謹按此術竝今有之義也重張穿地積一萬尺為所

有數堅率三壤率五各為所求率墟率四為所有率而今有之即得

城垣隄溝塹渠皆同術

術曰并上下廣而半之

損廣補狹

以高若深乘

之又以袤乘之即積尺

按此術并上下廣而半之者以盈補

虛得中平之廣以高若深乘之堅率三壤率五各為所求率墟四為所有率而今有

之得一頭之立累又以袤乘  
之若得立實之積故爲積尺

今有城下廣四丈上廣二丈高五丈袤一百二  
十六丈五尺問積幾何

荅曰一百八十九萬七千五百尺

今有垣下廣三尺上廣二尺高一丈二尺袤二  
十二丈五尺八寸問積幾何

荅曰六千七百七十四尺

今有隄下廣二丈上廣八尺高四尺袤一十二  
丈七尺問積幾何



答曰七千一百一十二尺

冬程人功四百四十四尺問用徒幾何

答曰一十六人一百一十一分人之

二

術曰以積尺爲實程功尺數爲法實如法  
而一即用徒人數

今有溝上廣一丈五尺下廣一丈深五尺袤七  
丈問積幾何

答曰四千三百七十五尺

春程人功七百六十六尺并出土功五分之  
四定功六百一十二尺五分尺之四問用徒  
幾何

荅曰七人三千六十四分人之四百

二十七

術曰置本人功去其五分之一餘為法去其

五分之一者謂以四乘五除也以溝積尺為實實如法而

一得用徒人數按此術本置人功去其五

而一除去出土之功取其定功乃通分內

有分實裏通之故實如法而一即用徒入數此以一人之積尺除其衆尺故用徒入數不盡者等數約之而命分也

今有塹上廣一丈六尺三寸下廣一丈深六尺三寸袤一十三丈二尺一寸問積幾何

答曰一萬九百四十三尺八寸八寸者謂

穿地方尺深八寸此積餘有方寸中二分四釐五毫乘之貴欲從易非其

常定也

夏程人功八百七十一尺并出土功五分之一沙礫水石之功作太半定功二百三十二

尺一十五分尺之四問用徒幾何

答曰四十七人三千四百八十四分  
人之四百九

術曰置本人功去其出土功五分之一又  
去沙礫水石之功太半餘爲法以漸積尺  
爲實實如法而一即用徒人數

按此術置本人功去

其出土功五分之一者謂以四乘五除又  
去沙礫水石作太半者一乘三除存其少  
半取其定功乃通分子以爲法以分母  
乘積尺爲實者爲法裏有分實裏通之故  
實如法而一即用徒人數不  
盡者等數約之而命分也

今有穿渠上廣一丈八尺下廣三尺六寸深一丈八尺袤五萬一千八百二十四尺問積幾何

荅曰一千七萬四千五百八十五尺六寸

秋程人功三百尺問用徒幾何

荅曰三萬三千五百八十二人功內少一十四尺四寸

一千人先到問當受袤幾何

荅曰一百五十四丈三尺二寸八十

一分寸之八

術曰以一人功尺數乘先到人數為實以

千人一日功為實立實為功并渠上下廣而半之以深

乘之為法以渠廣深之立實為法實如法得袤尺

今有方堦濤堦者堦城也濤音丁老切又音蘇謂以土擁木也方一丈

六尺高一丈五尺問積幾何

荅曰三千八百四十尺

術曰方自乘以高乘之即積尺

今有圓堦濤周四丈八尺高一丈一尺問積幾

何

答曰二千一百一十二尺

於徽術當積二千一

十七尺一百五十七分尺之一百三十一臣淳風等謹按依密率積二

千一十六尺

術曰周自相乘以高乘之十二而一此章諸術

亦以周三徑一為率皆非也於徽術當以周自乘以高乘之又以二十五乘之三百一十四而一此之圓幕亦如圓田之幕也求幕亦如圓田而以高乘幕也臣淳風等謹按依密率以七乘之八十八而一

今有方亭下方五丈上方四丈高五尺問積幾

何

荅曰一十萬一千六百六十六尺太

半尺

術曰上下方相乘又各自乘并之以高乘

之三而一

此章有壘堵陽馬皆合而成立方蓋說筭者乃立基三品以效

高深之積假令方亭上方一尺下方三尺高一尺其用基也中央立方一四面壘堵

四四角陽馬四上下方相乘為三尺以高乘之約積三尺是為得中央立方一四面

壘堵各一上方自乘亦得中央立方一下方自乘為九以高乘之得積九尺是為中

央立方一四面壘堵各二四角陽馬各三也上方自乘以高乘之得積一尺又為中



央立方一凡三品基皆一而為三故三而  
一得積尺用基之數立方三壘堵陽馬各  
十二凡二十七基十三更差次之而成方  
亭者三驗矣為術又可令方差自乘以高  
乘之三而一即四陽馬也上下方相乘以  
高乘之即中央立方及四面壘堵也并之  
以為方亭  
積數也

何  
今有圓亭下周三丈上周二丈高一丈問積幾

答曰五百二十七尺九分尺之七於微

術當積五百四尺四百七十一分尺  
之一百一十六也按密率為積五

百三尺三十三  
分尺之二十六

術曰上下周相乘又各自乘并之以高乘

之三十六而一此術周三徑一之義合以三除上下周各為上下徑

以相乘又各自乘并以高乘之三而一為方亭之積假令三約上下周俱不盡還通

之即各為上下徑令上下徑分母相乘又各自乘并以高乘之為三方亭之積分此

合分母三相乘得九為法除之又三而一得方亭之積亦猶方幕中求圓幕乃令圓

率三乘之方率四而一得圓亭之積前求方亭之積乃以三而一求圓亭之積亦各

三乘之二母既同故相準折惟以方幕四乘分母九得三十六而連除之於徽術當

上下周相乘又各自乘并以高乘之又二十五乘之九百四十二而一此方亭四角

圓殺比於方亭二百分之一一百五十七為術之意先作方亭三而一則此據上下徑

為之者當又以一百五十七乘之六百而  
 一也今據周為之若於圓堦壙又以二百十  
 五乘之三三百一十四而一則先得三圓亭  
 矣故以三百一十四為九百四十二而一  
 并除之 巨淳風等謹按依密  
 率以七乘之二百六十四而一

今有方錐下方二丈七尺高二丈九尺問積幾  
 何

答曰七千四十七尺

術曰下方自乘以高乘之三而一按此術假令方

錐下方二尺高一尺即四陽馬如術為之  
 用十二陽馬成三方錐故三而一得陽馬  
 也

今有圓錐下周三丈五尺高五丈一尺問積幾何

答曰一千七百三十五尺一十二分

尺之五

於徽術當積一千六百五十八尺三百一十四分尺之十

三 依密率為積一千六百五十六尺八十八分尺之四十七

術曰下周自乘以高乘之三十六而一此按

術圓錐下周以為方錐下方方錐下方今自乘以高乘之合三而一得大錐方之積大錐方之積合十二圓矣令求一圓復合十二除之故令三乘十二得三十六而連除於徽術當下周自乘以高乘之又以二十乘之九百四十二而一圓錐比於方

錐亦二百分之一百五十七命徑自乘者亦當以一百五十七乘之六百而一其說如圓亭也臣淳風等謹按依審率以七乘之二百六十四而一

今有塹堵下廣二丈袤一十八丈六尺高二丈五尺問積幾何

荅曰四萬六千五百尺

術曰廣袤相乘以高乘之二而一方邪解立

塹堵錐復隨方亦為塹堵故二而一此則合所規纂推其物體蓋為塹上疊也其形如城而無上廣與所規纂形異而同實未聞所以名之為塹堵之說也

今有陽馬廣五尺袤七尺高八尺問積幾何

荅曰九十三尺少半尺

術曰廣袤相乘以高乘之三而一

按此術陽馬之

形方錐一隅也今謂四柱屋隅為陽馬假令廣袤各一尺高一尺相乘之得立方積一尺邪解立方得兩壑堵邪解壑堵其一為陽馬一為鼈腰陽馬居二鼈腰居一不易之率也合兩鼈腰成一陽馬合三陽馬而成一立方故三而一驗之以基其形露矣悉割陽馬凡為六鼈腰觀其割分則體勢互通蓋易了也其基或脩短或廣狹立方不等者亦割分以為六鼈腰其形不悉相似然見數同積實均也鼈腰殊形陽馬異體然陽馬異體則不可純合純合則難為之矣何則按邪解方基以為壑堵者必當以半為分邪解壑堵以為陽馬者亦必當以半為分一從一橫耳設為陽馬為分

內鼈腰爲分外綦雖或隨脩短廣狹猶有此分常率知殊形異體亦同也者以此而已其使鼈腰廣袤各高二尺用塹堵鼈腰之綦各二皆用赤綦又使陽馬之廣袤高各二尺用立方之綦一塹堵陽馬之綦各二皆用黑綦綦之赤黑接爲塹堵廣袤高各二尺於是中效其廣又中分其高令赤黑塹堵各自適當一方高二尺方二尺每二分鼈腰則一陽馬也其餘兩端各積本體合成一方焉是爲別種而方者率居三通其體而方者率居一雖方隨綦改而固有常然之勢也按餘數具而可知者有一二分之別即一二之爲率定矣其於理也豈虛矣若爲數而窮之置餘廣袤高之數各半之則四分之三又可知也半之彌少其餘彌細至細曰微微則無形由是言之安取餘哉數而求窮之者謂以精推不用籌筭鼈腰之物不同器用陽馬之形或隨

修短廣狹然不有鼈腰無以審陽馬之數  
不有陽馬無以知雉亭之類功實之主也

今有鼈腰下廣五尺無表上表四尺無廣高七  
尺問積幾何

荅曰二十三尺少半尺

術曰廣表相乘以高乘之六而一按此術

骨也或曰半陽馬其形有似鼈肘故以名  
云中破陽馬得兩鼈腰之見數即陽馬之  
半數數同而實據半  
故云六而一即得

今有羨除下廣六尺上廣一丈深三尺末廣八  
尺無深表七尺問積幾何



# 荅曰八十四尺

術曰并三廣以深乘之又以袤乘之六而

一按此術美除實遂道也其所穿地上平

假令用此基上廣三尺深一尺下廣一尺

末廣一尺無深袤一尺下廣皆壅堵之廣

者兩龍腰與一壅堵相連之廣也以深袤

乘得積五尺龍腰居二壅堵居三其於本

基皆一為六故六而一合四陽馬以為方

錐邪盡方錐之底亦令為中方就中方削

而上合全為中方錐之半於是陽馬之基

悉中解矣中錐離而為四龍腰焉故外錐

之半亦為四龍腰錐背正異形與常所謂

龍腰參不相似實則同也所云夾壅堵者

中錐之龍腰也凡壅堵上袤短者陽馬也

下袤短者與龍腰連也下兩袤相等知亦

與鼈腰連也并三廣以高袤乘六而一皆其積也今此羨除之廣即壑堵之袤也按此本是三廣不等即與鼈腰連者別而言之中央壑堵廣六尺高三尺袤七尺末廣之兩旁各一小鼈腰皆與壑堵等令小鼈腰居裏大鼈腰居表則大鼈腰出隨皆方錐下廣三尺袤六尺高七尺分取其半則為袤三尺以高廣乘之三而一即半錐之積也邪解半錐得此兩大鼈腰求其積亦當六而一合於常率矣按陽馬之基兩邪基底方當其方也不問旁角而割之相半可知也推此上連無成不方故方錐與陽馬同實角而割之者相半之勢此大小鼈腰可知更相表裏但體有背正也

今有芻蕘下廣三丈袤四丈上袤二丈無廣高

一丈問積幾何

答曰五千尺

術曰倍下袤上袤從之以廣乘之又以高

乘之六而一

推明義理者舊說云凡積芻蕘有上下廣曰童蕘謂其屋

蓋之茨也是故蕘之下廣袤與童之上廣袤等正斬方亭兩邊合之即芻蕘之形也假令下廣二尺袤三尺上袤一尺無廣高一尺其用基也中央壑堵二兩端陽馬各二倍下袤上袤從之爲七尺以高廣乘之得羃十四尺陽馬之羃各居一壑堵之羃各居三以高乘之得積十四尺其於本基也皆一而爲六故六而一即得亦可令上下袤差乘廣以高乘之三而一即四陽馬也下廣乘之上袤而半之高乘之即二壑堵并之以爲蕘積也

芻童曲池盤池冥谷皆同術

術曰倍上袤下袤從之亦倍下表上袤從之各以其廣乘之并以高若深乘之皆六而一

按此術假令芻童上廣一尺袤二尺下廣三尺袤四尺高一尺其用綦也中央立方二四面壅堵六四角陽馬四倍下袤爲八上袤從之爲十以廣乘之得積三十尺是爲得中央立方各三兩端壅堵各四兩旁壅堵各六四角陽馬亦各六後倍下袤從之爲八以高廣乘之得積八尺是爲得中央立方亦各三兩端壅堵各二并兩旁三品綦皆一而爲六故六而一即得爲術又可令上下廣袤差相乘以高乘之三而一亦四陽馬上下廣袤互相乘并而半之以高乘之即四面六壅堵與二立

方并之爲芻童積又可令上下廣袤互相  
乘而半之上下廣袤又各自乘并以高乘  
之三一而一其曲池者并上中外周而半之  
即得也

以爲上袤亦并下中外周而半之以爲下

袤

此池環而不通匝形如盤蛇而曲之亦  
云周者謂如委穀依垣之周耳引而伸

之周爲袤求袤  
之意環田也

今有芻童下廣二丈袤三丈上廣三丈袤四丈  
高三丈問積幾何

荅曰二萬六千五百尺

今有曲池上中周二丈外周四丈廣一丈下中

周一丈四尺外周二丈四尺廣五尺深一丈問積幾何

荅曰一千八百八十三尺三寸少半寸

今有盤池上廣六丈袤八丈下廣四丈袤六丈深二丈問積幾何

荅曰七萬六百六十六尺太半尺

負土往來七十步其二十步上下棚除棚除二當平道五跣跣之間十加一載輸之間三

十步定一返一百四十步土籠積一尺六寸  
秋程人功行五十九里半問人到積及用徒  
各幾何

荅曰

人到二百四尺

用徒三百四十六人一百五十三分  
人之六十二

術曰以一籠積尺乘程行步數爲實往來

上下棚除二當平道五

棚閣除邪道有上下之難故使二當

也五置定往來步數十加一及載輸之間三

十步以爲法除之所得即一人所到尺

此按

術棚閣除邪道有上下之難故使二當五置定往來步數十加一及載輸之間三十步是爲往求一返凡用一百四十步於今有術爲所有行率籠積一尺六十寸爲所求到土率程行五十九里半爲所有數而今有之即人到尺數以所到積尺即用徒人數者此一人之積除其衆積尺故得用徒人數爲術又可令往來一返所用之步約程行爲返數乘籠積爲一人所到以此術與今有術相返覆則乘除之或先後意各有所在而以所到約積尺即用徒人數同歸耳

今有冥谷上廣二丈袤七丈下廣八尺袤四丈



深六丈五尺問積幾何

荅曰五萬二千尺

載土往來二百步載輸之間一里程行五十八里六人共車車載三十四尺七寸問人到積尺及用徒各幾何

荅曰

人到二百一尺五十分尺之十三

用徒二百五十八人一萬六十三分

人之三千七百四十六

術曰以一車積尺乘程行步數爲實置今

往來步數加載輸之間一里以車六人乘

之爲法除之所得即一人所到尺

按此術今有之

義以載輸及往來并得五百步爲所有行率車載三十四尺七寸爲所求到土率程

行五十八里通之爲步爲所有數而今有之所得則一車所到欲得人到者當以六

人除之即得術有分故亦更令乘法而并除者亦用以半尺數以爲一人到土率六

人乘五百步爲行率也又亦可五百步爲行率令六人約半積尺數爲一人到土率

以載土術入之入之者亦可求返數也要取其會通而已術恐有分故令乘法而并

除所以所到積尺約即用徒人數者以一以人所積尺除其衆積故得用徒人數也以

所到約積尺即用徒人數

今有委粟平地下周一十二丈高二丈問積及  
為粟幾何

荅曰

積八千尺

於徽術當積七千六百四十三尺一百五十七分尺

之四十九臣淳風等謹依密率為積七千六百三十六尺十一分

尺之四

為粟二千九百六十二斛二十七分

斛之二十六

於徽術當粟二千八百三十斛一千四百

一十三分斛之一千二百一十  
百淳風等謹依密率為粟二千八  
百二十八斛九十  
九分斛之二十八

今有委菽依垣下周三丈高七尺問積及為菽  
各幾何

荅曰

積三百五十尺

依微術當積三百三十四尺四百七十一

分尺之一百八十六也臣淳風等謹依密率為積三百三十四尺

十一分尺之一

為菽一百四十四斛二百四十三分

斛之八

依徽術當菽一百三十七斛一萬二千七百一十七

分斛之七千七百七十一臣淳風等謹依密率為菽一百三十七

斛八百九十一分斛之四百三十三

今有委米依垣內角下周八尺高五尺問積及為米各幾何

荅曰

積三十五尺九分尺之五

於徽術當積三十二

尺四百七十一分尺之四百五十七臣淳風等謹依密率當積三十三尺三十三分尺之三十一

為米二十一斛七百二十九分斛之

六百九十一

於徽術當米二十斛三萬八千一百五十

一分斛之三萬六千九百八十臣淳風等謹依密率為米二十斛

二千六百七十三分斛之二千五百四十

### 委粟

術曰下周自乘以高乘之三十六而一此

圓錐也於徽術亦當下周自乘以高乘之又以二十五乘之九百四十二而一也

其依垣者居圓錐之半也十八而一於徽術當令

以高乘之又以二十五乘之四百七十一而一依垣之周半於全周其自乘之畢居

全周自乘之幕四分之一其依垣內角者  
故半全周之法以爲法也  
角隅也居圓錐九而一於微術當令此下  
四分之一也  
高乘之又以二十五乘之四百七十一而  
一依隅之周半於依垣其自乘之幕居依  
垣自乘之幕四分之一當半依垣之法以  
爲法法不可半故倍其實又此術亦用周  
三徑一之率假令以三除周得徑若不盡  
通分內子即爲徑之積分令自乘以高乘  
之爲三方錐之積分母自相乘得九爲法  
又當三而一約方錐之積分從方錐中求圓  
錐之積亦猶方幕求圓幕乃當三乘之四  
而一方錐得圓幕之積前求方積乃合三  
而一今求圓錐之積復合三乘之二母既  
同故相準折惟以四乘分母九得三十六  
而連除圓錐之積其圓錐之積與平地聚  
粟同故三十六而一

臣淳風等謹依密

率以七乘之其平地者二百六十四而一  
依垣者一百三十二而一依隅者六十六  
也而一

程粟一斛積二尺七寸二尺七寸者謂方一尺深二尺七寸

凡積二千七百寸其米一斛積一尺六寸五分寸

之一謂積一千六百二十寸其菽荅麻麥一斛皆二

尺四寸十分寸之三謂積二千四百三十寸此為以精震為率

而不等其槩也粟率五米率三故米一斛於粟一斛五分之三菽荅麻麥亦如本率

云故謂此三量器為槩而皆不合於今斛當今大司農斛圓徑一尺三寸五分五釐

正深一尺於微衍為積一千四百四十一寸排成餘分又有十分寸之三王莽銅斛



於今尺爲深九寸五分五釐徑一尺三寸六分八釐二毫以徽術計之於今斛爲容九斗七升四合有奇周官考工記栗氏爲量深一尺內方一尺而圓外其實一鬴於徽術此圓積一千五百七十六寸左氏傳曰齊舊四量豆區釜鍾四升曰豆各登其四以登於釜釜十爲鍾鍾六斛四斗釜六斗四升方一尺深一尺其積一千寸若此方積容六斗四升則通外圓積成旁容十斗四合一命五分之三也以數相乘之則斛之制方一尺而圓其外龐旁一釐七毫畢一百五十六寸四分寸之一深一尺積一千五百六十二寸半容十斗王莽銅斛與漢書律曆志所論斛同

今有穿地表一丈六尺深一丈上廣六尺爲垣積五百七十六尺問穿地下廣幾何

答曰三尺五分尺之三

術曰置垣積尺四之為實

實穿地四為堅三垣堅也以堅

求穿地當四之三而一也

以深表相乘

為深表之立實也

又以

三之為法

以深表乘之立實除垣積則阮廣又三之者與堅率并除之

所得倍之

阮有兩廣先并而半之即為廣狹之中平令先得其中平故又

倍之知兩廣全也

減上廣餘即下廣

按此術穿地四為堅三垣

即堅也今以堅求穿地當四乘之三而一深表相乘者為深表立幕以深表立幕除

積即阮廣又三之為法與堅率并除所得倍之者為阮有兩廣先并而半之為中平

之廣今此得中平之廣故倍之還為兩廣并故減上廣餘即下廣也

今有倉廣三丈袤四丈五尺容粟一萬斛問高幾何

答曰二丈

術曰置粟一萬斛積尺爲實廣袤相乘爲

法實如法而一得高尺

以廣袤之羈除積故得高按此術本

以廣袤相乘以高乘之得此積今還元置此廣袤相乘爲法除之故得高也

今有圓囷

圓囷廩也亦云圓囷也

高一丈三尺三寸少半

寸容米二千斛問周幾何

答曰五丈四尺

於徽術當周五丈五尺二寸二十分寸之

九 臣淳風等謹按密率為周  
五丈五尺一百分尺之二十七

術曰置米積尺

此積猶圓堦墻之積

以十二乘之令

高而一所得開方除之即周

於微術當置米積尺以三

百一十四乘之為實二十五乘困高為法  
所得開方除之即周也此亦據見羃以求  
周失之於微少也晉武庫中有漢時王莽  
所作銅斛其篆書字題斛旁云律嘉量斛  
方一尺而圓其外庀旁九釐五毫羃一百  
六十二寸深一尺積一千六百二十寸容  
十斗及斛底云律嘉量斗方尺而圓其  
庀旁九釐五毫羃一尺六寸二分深一尺  
積一百六十二寸容一斗合侖皆有文字  
升居斛旁合侖在斛耳上後有讚文與今  
律曆志同亦魏晉所常用今祖疏王莽銅  
斛文字尺寸分數然不盡得升合勺之文

字按此術本周自相乘以高乘之十二而  
一得此積今還元置此積以十二乘之令  
高而一即復本周自乘之數凡物自乘開  
方除之復其本周自乘之數故開方除之  
即得也臣淳風等謹依密率以八十  
乘之為實七乘困高為法實如法而一  
方除之即周也

九章算經卷第五

終